



Notat

Til:

Kommunestyret

Frå:

Pål Strand

Delegering av mynde etter smittevernloven

Saknr/Journalnr

18/1787/20/10859//PS

Arkivkode

FE-044

Dato:

02.12.2020

Kva saka gjeld

Formannskapet handsama 12.11.2020 rådmannen sitt framlegg til revidert delegeringsreglement for Samnanger kommune. Formannskapet bad i vedtaket sitt om ein ytterlegare gjennomgang av delegering når det gjeld smittevernloven før saka vert handsama i kommunestyret.

I rådmannen sitt framlegg til revidert delegeringsreglement er reglane om delegering etter smittevernlova dei same som i det noverande delegeringsreglementet.

I delegeringsreglementet er mynde til å treffe vedtak etter smittevernloven delegert til formannskapet og til rådmannen, men slik at det for begge er eit vilkår at tilsvarande mynde ikkje er delegert til andre, sjå punkta 6.5 og 18.4.

Kommunestyret er kommunen sitt øvste organ. Mynde etter smittevernloven er lagt til kommunestyret, men med høve til å delegere i tråd med alminneleg lære.

Formannskapet er delegert mynde til å treffe vedtak etter smittevernloven, hjå delegeringsreglementet punkt 6.5.13. Ordførar har formannskapet sitt avgjerdsmynde når saka hastar, hjå delegeringsreglementet punkt 16.1 bokstav l.

Kommunen si kriseleing, ved ordføraren og rådmannen har mynde til å treffe vedtak for å avverje eller avhjelpe ei krise, hjå delegeringsreglementet punkt 14.2.

Rådmannen er delegert mynde til å treffe vedtak etter smittevernloven, hjå delegeringsreglementet punkt 18.4.31.

I hastesaker kan kommunelegen utøve det mynde kommunestyret har etter smittevernloven § 4-1, hjå smittevernloven § 4-1 femte ledd.

Vurderingar og konsekvensar

Kommunestyret kan delegere mynde til å treffe avgjerd i saker som ikkje har prinsipiell interesse, til ordføraren eller rådmannen. Delegering av hastemynde har ikkje ei slik avgrensing.

Delegering til formannskapet og rådmannen er i kommunen sitt delegeringsreglement formulert slik at dei kan seiast å vere gjensidig utelukkande, altså at ingen av dei har mynde, då dette er delegert til «andre». Kommunestyret må avgjere om mynde skal være delegert til formannskapet (og ordføraren via hastemynde) eller rådmannen. Det er og mogleg å delegere til berre ordføraren, berre rådmannen eller ordføraren og rådmannen i lag, slik det er gjort ved delegering til kommunen si kriseleiing. Det er og mogleg å fjerne all delegering etter smittevernloven. Mynde vil da liggje til kommunestyret, med hastemynde hos kommunelegen direkte etter smittevernloven.

Bruk av mynde etter smittevernloven vil ofte være hastesaker, slik at mynde i praksis vil ligge til ordføraren eller kommunelegen. Uansett kva for modell kommunestyret vel, kan det oppstå situasjonar der mynde vil være delegert til fleire eller det vil være tvil om saka er prinsipiell eller om det hastar slik at mynde kan utøvd på hastefullmakt eller i regi av kommunen si kriseleiing. Det vil truleg ikkje vere hensiktsmessig å detaljregulere mynde slik at ein fullt ut eliminerer slike tilfelle. I staden blir det viktig å sikre god dialog og rolleforståing og gode (men ofte raske) prosessar.

Den siste tida har vist at det kan vere praktisk å delegere til rådmannen å treffe vedtak etter smittevernloven. Og som med all delegering av mynde vil det framleis vera mogleg for politisk leiing å trekke tilbake delegert mynde i enkeltsaker, i praksis ved å be om å få saka opp til politisk handsaming. Om mynde vert utøvd av ordføraren, rådmannen eller kommunen si kriseleiing vil det uansett vere eit mål å forankre avgjerda politisk, så langt det lar seg gjere. Ei føresetnad vil i alle høve være at kommunelegen vert involvert og at juridiske omsyn vert utgreia så langt tida og omstenda tillèt det.

Rådmannen sitt forslag til vedtak/ending i framlegget til revidert delegeringsreglement:

Det vert gjort følgjande endringar i forhold til formannskapet si tilråding til delegeringsreglement:

- Punkt 6.5.13 vert teke ut, slik at formannskapet ikkje lenger har mynde til å treffe vedtak etter smittevernloven.
- Det vert sett inn eit nytt punkt 18.4 i delegeringsreglementet, om delegering til rådmannen av mynde etter smittevernloven. Ordlyden i punktet vert som følgjer: *“Delegering etter smittevernlova. Rådmannen har fullmakt til å gjera vedtak i hastesaker av ikkje-prinsipiell karakter. I tvilstilfelle må rådmannen rådføra seg med ordføraren for å avklara om hastesaka er av prinsipiell karakter.”*
- Punkt 18.4.31 “Smittevernlova” går ut. Resten av punkt 18.4 m/underpunkt vert endra til punkt 18.5 m/underpunkt.